

欽定八旗通志

人物志

卷二百八十二
之百八十三



欽定八旗通志卷一百八十二

人物志六十二

大臣傳四十八

滿洲鑲藍旗五
鄂容安

常祿保

和起

瑚爾起

和起

子和隆武

和起滿洲鑲藍旗人姓馬佳高祖阿音布

國初以軍功授騎都尉世職康熙六十一年和起襲

乾隆四年授

盛京協領十二年授廣州副都統十四年調寧夏副

都統十九年五月

命偕侍衛海福率寧夏兵千赴北路軍營二十年正月
授寧夏將軍二月定西將軍永常劾和起等所率
兵不及額請議處

諭曰寧夏兵一千原定于四月內前赴軍營後因歸于
哨探兵隊內令和起等催儻前進伊等隨將輜重留
後派兵百名守護止領九百名遄行尙屬奮勉且已
具奏在前非無故遲留可比著從寬免其議處七月

以達瓦齊就擒撤寧夏兵還仍令和起統之尋

命偕提督豆斌爲巴里坤辦事大臣十一月以遊擊王
國士運糧遲誤

諭曰軍營糧餉關係緊要理應加意辦理何以王國士
派委運糧半月僅行六臺必係僅派綠旗兵運送以
致如此遲悞和起等辦理甚屬錯謬現在滿洲及索
倫察哈爾兵丁調集巴里坤若交伊等運送不但行
走迅速且于運糧之便直抵軍營一舉兩得况新降

欽定八旗通志 卷一百八十二
達什達瓦人衆此際已應至巴里坤附近地方伊等
熟悉路徑與兵丁同運更爲有益此皆和起等應行
籌辦之事乃並未籌及所司何事着傳諭和起豆斌
等遵旨悉心辦理十二月定西將軍策楞奏屢檄和
起等將補給兵丁及甘州肅州續到之馬速解軍
前至今未到

詔令明白回奏並交部議草職留軍營効力得

旨從寬留任二十一年正月

特予開復和起奏言涼州寧夏等處所解馬疲斃過多
臣派員在巴里坤分牧俟臆壯挑用仍先照數補
解以利軍行請將委員議處部議從之二月給

欽差大臣關防五月

諭日和起在巴里坤辦事甚屬黽勉著馳驛來京面聆
訓示再往軍營同叅贊大臣兆惠籌辦一切事宜先
是達什達瓦所屬宰桑訥默庫曼集烏達瑚們都
等自軍營私回游牧奉

旨鞠治六月

諭曰現據和起將訥默庫等擅回游牧之處訊明復以伊等係新降之人未諳法律陳奏殊屬謬誤達什達瓦屬人歸誠以來疊施厚恩及派往軍營効力又與內地兵丁一體賞給製裝銀兩乃敢不遵法令擅帶兵回至游牧情罪甚屬可惡昨經和起等奏到朕卽降旨令將訥默庫曼集等正法其兵丁係聽從指揮加恩寬免所以不將兵丁一併治罪者特因伊等新

降姑從寬典至宰桑乃領兵之人豈得曲從寬宥和起等審訊旣確復爲此奏其意惟恐訥默庫等正法後致達什達瓦屬衆心懷疑貳妄生事端果有此情正當使知法律森嚴不容輕犯安得苟且姑容以示怯懦料和起尙不至此此必出于錫特庫之意著傳旨申飭仍將訥默庫曼集烏達瑚們都卽行正法十一月輝特台吉巴雅爾叛掠扎哈沁五百餘戶定邊右副將軍兆惠令和起率索倫兵百往勦檄吐

魯番伯克莽阿里克及額魯特兵集闡展而噶勒
雜特宰桑哈薩克錫喇布魯古特台吉呢瑪陰應
吉巴雅爾詭以兵千五百會和起望兵至疑之令莽
阿里克往偵給告曰我兵也逾時呢瑪等操戈前
莽阿里克自後譟賊衆彙集我兵僅百人負重創
和起手刃數賊股中鎗徒步轉戰至夜力盡死之
遺命索倫侍衛努古德彰金布突圍出以所戴孔
雀翎爲識往告巴里坤大軍兆惠以

聞

諭曰和起効命疆場捐軀報國忠節可嘉深爲憫惻着
照傅清拉布敦之例加恩贈卹

上憫和起義烈

御製西師詩有奮勇沙場沒之句尋追贈一等伯清
賜祭葬入祠賢良昭忠三祠諡武烈由是聖朝文甲爾
賞一等子爵以其子和隆武襲二十三年逆賊呢瑪及
其子就擒

命子和起墓前伏誅和隆武初襲子爵授三等侍衛乾隆三十六年襲佐領三十七年二月隨護軍統領明亮赴金川軍營七月隨大軍由墨壘溝攻甲爾木山梁十二月大軍分路進剿和隆武爲領隊侍衛時明亮等攻美都喇嘛寺和隆武沿河夾剿賊潰復合盡戮之夜克美諾各碉寨三十八年二月分攻納圍正面山梁六月海蘭察剿賊于簇拉角克五岱統兵援和隆武爲接應七月敗賊于鳩寨

奪碉五十餘八月授鑲藍旗蒙古副都統十一月克復僧克宗三十九年正月隨富德攻克絨布寨而正北之沃什山摩格孟格哩格穆爾德宗進攻卡卡角是月署古州鎮總兵三月同奎林等襲七日糧分隊取斯第賊迎拒和隆武麾衆力戰矢盡以矛槍格鬪被創事

聞奉旨嘉獎

賜玉韞荷囊六月調征正地九月攻木克什克第一碉
賜皮馬褂十一月大軍攻日旁和隆武由周叟繞出其
後突入碉寨賊驚潰鎗石不及施短刃相搏我兵
沿山追剿克戰碉十餘平碉二百餘日旁賊殲焉
諭曰此次明亮等攻克日旁碉寨探路籌畫均合機宜
而越險攻碉殺賊全係和隆武功績伊父和起盡節
捐軀應有是子深爲嘉慰著授爲都統以示優獎和
隆武尋偕珠爾格德等剿谷爾提一帶碉寨盡克之

諭曰此次攻得碉寨又係和隆武帶兵前往似此屢次
出力實屬可嘉四十年正月授正藍旗蒙古都統四
月分攻得楞以南碉卡復與奎林等由薩克薩谷
進攻追殺無算六月攻額爾替南梁石城殺賊甚
衆

諭獎其奮勇出力七月賊據石真噶和隆武與奎林乘
運礮聲囂分隊突攻據之賊奔潰時將軍阿桂一
路兵直壓勒烏圍之項和隆武等張兩翼亟進爲

聲援八月賊特扎烏古險要于丹扎木各寨悉眾拒守我兵出其不意取路深入和隆武沿河接應

夾攻十月由琅谷攻奪什扎古

諭曰此次攻碉殺賊官兵均為奮勉而奎林和隆武二人出力尤多現在西路將領隨將軍阿桂屢次克捷立功建績者甚眾將來自膺茂賞而明亮北路久未能進卽此次亦不過尋常小勝不能遽邀錄叙明亮奎林和隆武各宜奮勉立勲豈可專讓西路成功而

不知奮勵但進攻時當度其利害籌及萬全閏十月

克扎烏古及耳得谷十一月克阿爾古十二月由

達撒谷進攻克荒子坪一帶碉卡復攻獨古木思

滿賊望風披靡

上以和隆武鼓勇先登茂著勞績

賜諭嘉獎又攻甲雜官寨圍之賊遁乘勝克獨松四十

一年正月金川平晉封三等果勇侯

賞戴雙眼翎尋

命將本佐領擡入正黃旗四月凱旋

賜

御用鞍轡馬一及銀幣

命圖形

紫光閣

御製贊曰襲父邱職少年老成囊錐脫穎竟善用兵掠

日旁寨獨擅偉勲楚材繼出旣悵以欣四十三年

四月授寧夏將軍十一月調吉林將軍四十七年

命

賜祭墓諡壯毅無嗣弟和雙額襲侯爵

瑚爾起

瑚爾起滿洲鑲藍旗人姓瓜勒佳雍正三年由監

生授八品筆帖式乾隆四年授佐領十二年授協

尉十三年隨征金川

賞戴孔雀翎十九年授呼倫貝爾總管二十年隨大軍

勦準噶爾加副都統銜二十一年正月隨叅贊大

臣達爾黨阿等由珠爾都斯往追叛賊阿睦爾撒
納九月偵阿睦爾撒納竄哈薩克隨定邊左副將
軍哈達哈等往索哈薩克汗阿布賚拒戰連擊敗
之復追及其後隊及別隊斬首百餘獲馬二百餘
生擒杭吉勒圖等詢知阿睦爾撒納遁呢雅斯圖
山遣諭阿布賚擒獻二十二年二月杜爾伯特屬
人刼侍衛佛保

命瑚爾起擒治之五月借叅贊大臣唐喀祿赴察罕郭

勒偵禦叛賊哈薩克錫喇七月杜爾伯特貝勒巴
圖博羅特等潛通阿睦爾撒納瑚爾起擒之於輝
巴朗山後剿其屬及阿睦爾撒納所留烏梁海五
十餘戶事

聞得 旨嘉獎交部議叙八月以兵三百接應往剿哈薩克錫

喇之侍衛圖倫楚是時沙喇斯瑪呼斯旣降復叛
掠臺站而布魯古特台吉理齊等又戕我察哈爾

總管巴寧阿十月封台吉駐劄等天并封泰台漢

諭曰濟爾哈朗至巴里坤適中之地着哈寧阿率兵一

千駐劄鄂實三格瑚爾起為副其琿齊及沙喇斯瑪

呼斯賊眾有散逸在附近地方者即帶兵搜剿十二

月借鄂實追剿扎哈沁逃賊奮勇有功

諭部議叙二十三年二月借副都統巴圖濟爾噶勒由

呼斯坦至尼勒喀河偵琿齊等百餘戶遷牧突擊

執之定邊將軍兆惠以

聞

詔獎之下部議叙四月隨大軍由伊犁進剿回部五月

抵善塔斯嶺招降布魯特頭人圖魯啟拜鄂庫及

所屬九月搜捕阿里瑪圖河逸賊十月

上以索倫兵從征年久

命瑚爾起及副都統鄂博什撤還瑚爾起等懇請隨剿

允之時將軍兆惠剿回酋霍集占於葉爾羌被圍定邊

右副將軍富德檄瑚爾起及巴圖濟爾噶勒率索

倫兵由伊拉里克前進因馬駝未至負糧械步行
戈壁中

諭曰瑚爾起等所領官兵皆應撤回更換者昨因懇請
前赴軍營已諭照初次出兵例頒賞今又不候馬駝
步行速進奮勉可嘉瑚爾起著補授正白旗蒙古副
都統巴圖濟爾噶勒現任副都統着加恩授其弟恩
克阿穆爾為藍翎侍衛仍曉示官兵勉効前驅以膺
恩賞二十四年正月抵巴爾楚克兆惠已與富德軍

合適霍集占逆黨阿卜都克勒木等侵和闐侍衛
齊凌扎卜請援兆惠令瑚爾起及巴圖濟爾噶勒
以兵九百往剿三月偵賊騎七百餘據博羅齊乘
霧突擊潰之追至阜窪勒河斬賊百餘收回入四
千餘戶和闐底定

御製博羅齊行詩紀其事載巴圖濟爾噶勒傳瑚爾起
以功授雲騎尉世職七月大軍由喀喇烏蘇追剿
霍集占至阿爾楚爾賊設伏兩山間我軍張左右

翼擊之中軍發大神礮賊敗走三十里據一山瑚爾起等自山麓橫衝大軍齊進斬阿卜都克勒木管賊賊大敗越山而遁八月尾追至巴達克山界之伊西洱庫爾淖爾瑚爾起等各領兵百設伏東山一帶大軍夾勦大敗之霍集占竄入巴達克山未幾巴達克山汗素勒坦沙函獻霍集占首瑚爾起分領索倫兵還二十五年二月八月資銀幣七月疏言呼倫貝爾多水泉可耕請于新降塔

里雅沁回人內選百名往引水灌溉

詔如所請行卽

命瑚爾起以副都統爲呼倫貝爾總管董其事二十六

命圖形

紫光閣

御製贊曰笑擒瑄齊其氣如虹及降勃律烏幕占風解圍和闐戰塵大食麾蓋而登威著西域二十九年調

黑龍江副都統三十四年從征緬甸收服猛拱猛
養等處以病卒于軍營

諭照陣亡例議卹給騎都尉併前世職為一等輕車都

尉

賜祭葬入祀昭忠祠子富勒赫襲世職

鄂容安

鄂容安滿洲鑲藍旗人大學士鄂爾泰長子雍正

十一年進士改庶吉士軍機處行走乾隆元年授

編修在

南書房行走二年遷侍講三年七月充

命日講起居注官十二月轉侍讀五年六月擢詹事府

詹事時鄂爾泰承

旨奏辭再三

諭曰朕之用人悉秉至公毫無私意手其間古云非喬

木之謂有世臣之謂益以大臣子弟果能立志向上

諸事勉勉斯能不愧世臣可以為國家宣力朕觀鄂

容安及大學士張廷玉之子張若靄朱軾之子朱必
塔皆能遵守家訓祇受國恩况鄂容安張若靄向蒙
皇考命在軍機處行走原欲造就成人此次擢用乃朕量
昔材加恩卽裁者培之之道鄂爾泰不必以己意固辭

八月

命入尙書房隨福敏行走七年以與聞左副都御史仲

南承檀密奏留中事革職八年

命仍在尙書房行走補國子監祭酒九年

命偕刑部尙書來保往奉天同侍郎兆惠會審奉天將

軍額洛圖扣餉勒派等款得實論罪如律十年署

兵部右侍郎襲父三等伯爵十二年五月授兵部

左侍郎九月以與尙書彭維新等議處總兵高琦

備張武備廢弛一案違例邀譽奉天

旨訓飭部議革職得

旨從寬留任十三年三月充會試副考官四月兼翰林

院掌院學士尋兼管國子監事十月署河南巡撫

十二月以辦送金川兵差妥協議叙陞河南巡撫
賞孔雀翎十四年正月疏陳文武各員優劣以兼餉林
士嘉之四月河臣顧琮往署總漕

諭鄂容安就近料理豫省河務九月疏言豫省有伏牛
山居嵩山南界連秦楚二省表延八百餘里山多
箐密臣於查閱營伍之便自邙縣汝州至伊陽縣
渡汝水人伏牛山經十八盤等處至孫家店關兵
復由分水嶺等處至嵩縣出伏牛山親歷查看飭

各員弁不時巡查該管道員嚴加督察再豫省各
關其近秦省者陝州有硤石關靈寶縣有函谷關
閩鄉縣有大谷關近楚省者潞川縣有荆子口關
信陽州有平靖關桐柏縣有犁耙口俱通商大道
恐奸宄藏匿現飭行保甲嚴斥埃此萬一千四百
諭獎其諸事認真實授河南巡撫時衛輝叅將阮玉堂
上因操演鞭責兵丁過甚致譁鄂容安以玉堂失職
應題叅但兵丁甫經喧鬧遠叅營弁恐敗驕悍之

漸奏請嚴拏兵丁分別首從定擬後解玉堂任
上是之十月疏言豫省常平倉穀前准部咨以雍正年
儲獎開額貯三百三十萬九千九百九十九石為准除實
存并借糶抵補外計缺額穀二十九萬七千四百
石有奇應收捐補足臣思倉穀期實貯而地方繁
簡不同豐歉各異宜乘此定額之際將各府州縣
應貯穀數勻派開封府貯二萬石歸德陳州懷慶
南陽彰德衛輝六府各貯一萬五千石河南汝寧

二府各貯一萬五百石戶口最多之許州等二十
七州縣各貯二萬五千石其次通許等五十五州
縣各貯二萬石又其次河陰等二十七縣各貯一
萬五千石統計適合雍正年間定額至各府州縣
原貯穀較現派額溢者糶價提解司庫撥補未足
額者此次額穀補足後將來有餘另案存貯遇賑
卹并平糶未買以此撥補現在溢額糶價已敷提
解者全提不敷者於明歲春糶案內補提其缺額

之區所撥穀價如秋成後本地米價未平卽於鄰近價平處買補旣與定額相符又使緩急有備部

議允行十一月

賜所襲伯爵號襄勤十五年二月疏請將省會城門鎖

鑰歸城守尉掌管

允之四月奏言開歸陳三府地勢窪下多水患非開濬

溝渠不足資宣洩臣查開封府屬泉水所歸之河

曰賈魯河發源於滎陽縣聖僧池各泉會合索須

京三水成河厯開屬之河陰滎澤鄭州中牟祥符

尉氏陳屬之扶溝西華至睢寧之周家口入大沙

河其附以東注者則有鄭州之金水河七里河磨

河欒河洧川之杜公河接入尉氏之太溝河康溝

河陳屬扶溝之雙泊河蔡河西華之清流河皆挈

兩屬溝渠之水而同趨於賈魯河此開屬洩水之

幹河也陳州府屬衆水所歸之河曰大沙河發源

於汝州屬魯山縣伏牛山之莫大嶺厯南陽府屬

之舞陽許州屬之郟城而入陳屬之西華商水睢
寧項城沈邱以入江南太和縣下達于淮其附以
東注者則有西華商水之渚河扶溝太康西華睢
寧之清水河太康睢寧之古黃河枯河睢寧沈邱
之蔡河皆挈本屬溝渠之水而入于大沙河此陳
屬洩水之幹河也歸德府屬下游有渦河而惠濟
一河據其上游諸水由惠濟以入渦河者居多惠
濟河自開屬中牟縣西十五里鋪分洩賈魯河之

水由祥符陳留杞縣入睢州經柘城至鹿邑入渦
河以達于淮其附以東注者則有儀封睢州柘城
之老黃河陳留杞縣之坡河接入杞縣之橫河杞
縣睢州之桃河司家河太康柘城之沙河皆挈三
屬溝渠之水而同趨于惠濟河以入渦河又鹿邑
之清水河下接淝河由江南之太和縣以入渦河
又有濬河卽黑河由茨河歷江南之蒙城縣入渦
河則是渦河又爲歸屬洩水之幹河也統查諸郡

幹河如賈魯河大沙河泃河俱各深通惟惠濟一
河上流尙須開濬資蓄洩其各支河內應行開濬
者開封則有鄭州之金水河七里河中牟之樂河
祥符之城東乾河蘭陽儀封之周家河李家渡口
尉氏之乾河陳州則有太康之燕城河西華商水
之渚河睢寧之東西蔡河枯河古黃河項城之蔡
河泥河歸德則有寧陵之舊沙河考城商邱之沙
河睢州之橫河桃河司家河姬家大坡河鹿邑之

清水河黑河以上諸河皆爲承受溝洫貫注幹河
之要道此內有止須疏濬即可通流者有應擇地
改挑者有應逢灣取直者有僅存河形必須另挑
者有道里較長土方較多猝難竣事者酌量工程
難易或分年帶挑或借給口糧酌量民力籌辦毋
庸動項惟陳屬項城受汝寧屬上蔡洪河減水之
害或謂搭橋攔阻水勢應拆改木橋或謂竹絡壩
減水過多應另建石壩臣以爲其害不在於橋身

之阻水亦不在條絡之多洩因橋之西牆過寬挑
水東注所致止須將東西牆改做一律使洪河減
水南歸茅河黑河之水東歸蔡河兩河分洩自無
泛溢之虞至汝寧府汝陽縣亦以洪河爲患查向
來西南山水盡歸乾江河自錫梁口決山水盡入
汝爲害臣節令照舊堵塞使山水全歸乾江河則
洪水已減自能容受至歸屬永城之巴溝河下接
江南宿州砂礮灘此工關涉兩省應俟江南咨覆

興工臣於各屬挑濬處每年底查核勤惰或附叅
或保薦使工員咸知慎重庶沮泐漸成膏壤

諭曰如此留心本務方副委任之意勉之十月

上巡幸河南鄂容安奏紳民感沐

皇仁情願捐輸共收銀五十八萬七千餘兩充公用

諭曰朕時巡方岳一應道路橋梁等費皆准開銷正項
從無絲毫累民之事卽城垣祠廟有應勦聖灑掃畧
爲整葺者祇宜動支帑項卽其間或有開銷不到之

欽定四庫全書 卷一百一十二 人物志六十二 三
處現經賞給該省公項銀兩以資通融辦理之用曾
何藉于輸將鄂容安此奏甚屬錯悞因其據實陳明
尚不至蹈欺隱之咎猶可稍寬但朕省方問俗勤恤
民隱尙慮休助之弗周豈容供用轉資於下鄂容安
不能仰副朕意殊失政體着傳旨嚴行申飭紳民樂
輸之項俱着給還鄂容安奏樂輸實出至願如復行
給還非特不肯領回且頭緒紛繁難免胥吏中飽
懇請聽其所願至辦理之初並未具奏實屬錯謬

伏祈嚴治臣罪

諭曰朕巡方問俗蠲復頻仍惟慮德意未能徧逮一切
供頓絲毫不以累民前降諭旨甚明鄂容安惟知下
情踴躍輸將遽行冒昧從事本應嚴行治罪但既經
據實陳奏究與有心欺隱者有間情尙可寬且以陸
續輸工之項復令紛紛具領恐奸胥潛吏從中舞弊
轉以飽其欲壑此語亦頗近是則給還之事實屬勢
所難行然辦理失宜欵項無凭稽覈以間閭尊君親

金定八旗通志 卷一百一十二 八旗通志六十二 三
上之忱適足資其糜費使用是又始終不能仰體朕
意獲罪尤甚者矣着鄂容安將蠲輸銀兩作何辦理
之處詳悉查明繕冊送軍機處逐一察核毋得稍有
朦混十一月與會心慎思昔言謂鄂容安前奏富
諭曰朕於昨日回鑾今日見河南布政使富明奏請陞
見一摺援藩臬三年期滿之例伊於行在召對數次
並非三年未見者比不應糊塗至此鄂容安前奏富
明辦事勇往在豫省頗稱得力朕一見卽曾諭鄂容

安其人小聰明不可信汝勿爲其所賣今觀其奏請
陞見一摺一則見其不與巡撫扶同二則希圖於召
見時卸責鄂容安其居心不可問如此鄂容安至今
應服朕之早識而恨已之爲所愚也然以如此之人
而信任之無怪中州今歲所辦之不能仰體朕意矣
設果出自鄂容安一人之意富明身任藩司卽當勸
阻如其力爭不得何妨于朕未至中州之前或行在
召對時據實奏聞朕必將鄂容安治罪而擢伊爲巡

撫乃當時既已商同辦理及見朕責鄂容安之辦理不善於回鑾後爲此巧獍伎倆何能逃朕洞鑒朕謂其人不可信果如何耶再今日方觀承具摺謝恩而鄂容安於朕回鑾至保定及進宮已請安兩次而不置一言夫直隸係巡幸常經之地方觀承卽不具摺謝恩亦無不可至朕之加恩于鄂容安實出於格外包涵鄂容安宜如何感激沒身頂戴何以竟似無事卽謂方觀承僅屬外吏虛文鄂容安身係滿洲受厚

恩棄虛文積習可也豈獨無不能自己之情耶若謂其有心疎畧亦未必然因責其辦理不善心懷疑懼思欲含糊了事此豈含糊所可了者耶着傳諭鄂容安令其痛加改悔據實查核逐一清晰無絲毫糜費絲毫粉飾以爲補過之地十六年三月疏叅歸德府鄉紳雲南布政使彭家屏原任江蘇按察使李肖筠抗糧至七千餘兩得回京

旨罰追革職從寬留任先是湖廣總督永興與布政使

欽定四庫全書 卷一百一十二 人物志六十二
嚴瑞龍先後疏叅湖北巡撫唐綏祖婪贓累萬奉
旨革職拿問永興尋丁憂回京

諭新任總督阿里衮嚴審至是阿里衮奏瑞龍收受
平餘等款

命鄂容安赴楚會審四月合疏叅奏永興於進京時私
受贖賻

詔革永興職交部治罪五月審明綏祖並無婪贓情事
惟縱容爐頭私買銅鉛添鑄瑞龍收平餘四千八

百兩入已屬實

上以鄂容安等未得辦理此案之正法

命給還綏祖家產來京候旨錄用並

命刑部另擬永興等罪尋議瑞龍改照誣告人死罪律
擬斬候永興減一等擬杖流枷責從之鄂容安等
疏言河北鎮屬九營暨臣標左右二營公費不敷
查蘭陽等十縣官租積穀不過二萬餘石存銀不
及四千兩各州縣既有常平社義等倉民食原不

藉此接濟請撥歸營軍機大臣議行八月調山東巡撫時濟南府屬夏秋被水糧價昂而沿海之登萊青三府地僻山險轉運尤難鄂容安奏請照乾隆十三年例暫弛海禁招商前往奉天糴運以資接濟商船出入照例稽察得

旨允行十二月與河臣顧琮等合疏言張秋挂劍臺漫口因豫省陽武堤工泛溢黃水穿運入海現在陽武工竣張秋一帶水勢日消但西陂來水從冰底

原原下注今堵塞漫口須使有所歸宿方無壅滯查漫口迤北有減水閘壩三可由分洩入徒駭河戴灣閘以上閘壩涵洞四可由分洩入馬頰河又有戴灣閘臨清磚板二閘入衛北流俟水勢大減仍將戴灣閘下板嚴閉俾盡從徒駭馬頰二河宣洩入海漫口迤南有素東汛三空橋可由分洩入鹽河又有五空橋原係分洩運河淤漲但橋底甚高不能過水臣等相度於其北築攔河壩一長二

十餘丈並於橋南挑引河導水由鹽河歸海俾西
陂之水南北暢流消涸更易下部知之十七年二
月奏言運河全堤自台兒庄至德州千餘里素稱
卑薄每年伏秋雨汎兼風雨浸汕又漕船往來下
擬施犁日漸殘塌臣與顧琮會籌應及時估修計
需銀十五萬三千餘兩又運堤向無堡房應照黃
河例每二里建堡房二需銀二千一十八兩至所
修工程原以保固爲重而犁溝槩眼及水溝浪窩

尤須隨時修補並於漕船過後通查增修庶可垂
久三月又言太行堤在黃河北岸大堤之北兩堤
相去數十里中有河一道本以宣洩夾堤以內坡
水順流而東達江南豐沛二縣入微山湖因年久
淤塞堤內田廬淹沒雍正年間於太行堤建涵洞
使堤南之水穿堤北行經定陶城武單縣魚臺等
邑入昭陽湖以歸微山湖嗣因涵洞旁冲缺口定
陶等邑俱受水患是此涵洞必應堵塞庶太行堤

仍舊完固爲黃河重垣保障至兩堤夾東中間之水亦應開通舊河使東注免漫溢報

聞四月奏言東省庫項多不清其交代流抵之弊率以辦差墊用爲辭仍飭屬作速核銷至常平社倉難借穀石未歸補者甚多有因州縣恐穀石霉變強派民間者有希圖染指不暇詳查徒爲無業之人領去者有村莊離城寫遠爲胥役冒領者有因社穀並無倉廩散交地方致強半虧缺者有因積欠

難催恐干督責捏報新借以掩舊欠者凡此皆宜嚴懲但操之過促恐劣員怙過飾非徒有追呼之擾究無完補之益而人情急則無賴更或別啟釁端已令藩司責成各府確查妥辦臣仍不時體察如玩徇料理不清者知府一併嚴叅得

旨嘉獎十月署江西巡撫十一月卽

命調補時上猶縣逆犯何亞四等就獲鄂容安按擬如律因親往勘地勢奏請移千總一駐上信地於營

前城防兵內撥十五名鎮標二十五名往駐下信
合備地亦於附近別營撥兵十名駐守營前留把總一
兵三十名聯絡聲勢改浮龍司巡檢爲上猶縣縣
丞仍駐營前龍泉縣禾源司巡檢改駐龍猶接壤
之左安村崇義縣上堡司巡檢改駐金坑下部議
行十八年正月

諭署兩江總督印務卽在江西辦理九月奉
旨實授十一月會同

欽差侍郎嵇璜德爾敏查勘高家堰堤工並赴下河一
帶籌辦疏濬事宜十九年正月奏言江南地廣事
繁胥役最多作弊臣遵

旨於勘災途次留心察訪查得淮安等府屬有藉賑弊
混得贓分肥者蘇州等府屬有收漕舞弊婪贓者
徐州府屬有差辦工料滋弊者但作弊雖出于胥
役而州縣豈皆龔贖除將各犯嚴拏審擬如本官
于中染指及知情故縱者嚴叅治罪卽失察亦分

別辦理示警至胥役原有經制名數酌設副役并
載入冊乃江浙胥役非冒缺頂補卽永遠充辦一
役在冊外有無名白役數名至十數名者倚官作
威因公訛詐大爲吏治民生之累現飭各屬稽查
務符定額嚴禁頂補朋充俾易約束得

旨嘉獎先是刑部覆准廣西等省先後條奏印官公出
令佐雜相驗命案一事經江西按察使范廷楷疏
請仍令鄰邑印官驗報不得溢委佐雜得

旨交鄂容安酌行至是覆奏言命案惟兩邑相距寫遠
印官公出而隣邑印官正值乏員方許佐雜往驗
立單仍由印官覆核毫無疑竇始填圖通報並將
因事公出及屍所距隣邑若干里各緣由聲明倘
佐雜相驗不實印官扶同填報一并嚴叅

詔如所議行三月奏沿海塘工前經撫臣莊有恭查勘
估辦俱妥惟林家嘴頂衝應於堤後幫寬培厚以
資捍禦又寶山縣舊城灣月堤張家浜抄塘及劉

河七浦二河原閘座俱應修築報

聞四月加太子少傅時部議刪除武職空銜將江南省
五遊擊缺改都司行令酌議何營應改鄂容安奏
言蘇鎮右營遊擊所管汛有守備分防改設都司
足資辦理狼鎮左營遊擊兼轄城池關廂水路改
設都司儘堪彈壓壽鎮左營遊擊較簡于駐防宿
州之守備今將遊擊酌改都司駐宿州卽以宿州
守備移駐壽州廣德營遊擊兵少事簡漕標左營

遊擊僅司催漕俱可酌改都司部議從之八月

上以杜爾伯特台吉策凌輝特台吉阿睦爾撒納等先
後來降

諭曰年來準噶爾內亂頻仍人心離散屢有大隊輸誠
內嚮正可乘機辦理永救邊境鄂容安年力壯盛勇
敢有爲一切緊要機宜尙能曉暢着速赴行在面聆
指授赴軍營辦事十二月授西路叅贊大臣與總督
劉統勳籌辦糧馬二十年正月定邊右副將軍薩

喇勒領哨探兵由西路進剿

命鄂容安同進二月

諭曰漢時西陲塞地極廣烏嚕木齊及回子諸部落皆曾屯戍有為內屬者唐初都護開府擴地及西北邊今遺址久湮着傳諭鄂容安此次進兵凡準噶爾所屬之地回子部落內有與漢唐史傳相合可援據者並唐漢所未至處一一詢之土人細為記載以資採輯四月同薩喇勒奏臣等沿途招降各部人眾並遣

侍衛塔奇圖等齎檄往諭達瓦齊降

獎賜荷包鼻烟壺五月大軍定伊犁

諭曰準噶爾平定兩路將軍大臣等朕俱已加恩鄂容安在叅贊大臣任內行走亦應加恩但伊從前有準噶爾不宜辦理之議伊父鄂爾泰與大逆胡中藻師生交結伊兄鄂昌又與胡中藻附和黨同鄂容安明知其事不為陳奏有負朕恩伊若不前往軍營原欲從重治罪今因此次行走免其治罪即係朕恩可傳

諭鄂容安知之是月大軍渡伊犁河直抵達瓦齊所
居之格登達瓦齊遁鄂容安偕喀爾喀郡王品級
青滾雜卜等收其游牧獲達瓦齊之叔及其孥並
喇嘛六千餘六月達瓦齊就擒鄂容安同班第駐
守伊犁時阿睦爾撒納爲定邊左副將軍蓄異志
謀據伊犁鄂容安同班第密疏劾之

諭趣阿睦爾撒納赴
覲熱河

命鄂容安與薩喇勒以兵至塔爾巴哈台相機擒治會
阿睦爾撒納行至烏隆古叛逆黨應之臺站斷鄂
容安同班第被陷力戰自盡都統策楞以狀

聞

上軫悼卽令其次子鄂津襲襄勤伯爵二十一年樞至

上親臨奠醑入祀昭忠祠

賜祭葬如例諡剛烈

特建雙烈祠

御製詩旌之並

諭敵逆黨阿巴噶斯克什木耳於樞前祭奠並詳見班

上第傳三十九年

命圖形

紫光閣

御製贊曰世臣知書料善論兵惜弗通語遂弗燭情變

起倉卒力戰命畢用違其材實予之失三十七年鄂

其世爵以鄂容安長子鄂岳襲現任散秩大臣

常祿保

常祿保

常祿保滿洲鑲藍旗人姓赫舍哩雍正十三年由

閑散襲其遠祖德祿軍功所給騎都尉世職乾隆

十八年授三等侍衛二十七年授直隸居庸路營

都司三十一年調正定鎮王家坪都司三十五年

遷四川提標左營遊擊三十六年從征金川三十

七年遷成都城守營叅將隨副都統海蘭察等進
攻得拉密色欽山梁賊潛伏密林內常祿保往來
衝擊之十月隨定邊將軍溫福等攻明郭宗附近
山梁議叙功加一等紀錄五次十一月大兵進攻
路頂宗之喀木色爾寨常祿保隨海蘭察由山南
大澗潛越山頂克之殲賊無算復進取博爾根山
仰攻克木城受石傷溫福等上其功得

旨賞戴孔雀翎三十八年六月隨副都統阿爾素納等

分路進攻昔嶺大碉賊百餘從傍衝拒常祿保督
兵橫擊敗之七月駐日隆要隘三十九年二月授
甘肅河州副將三月定西將軍阿桂等攻克羅博
瓦常祿保駐防山巔賊九百餘乘雪夜分兩隊潛
劫常祿保營四面環攻勢甚偏常祿保箭射鎗刺
督兵力戰禦之被鎗石傷賊竄入卡內者皆殲之
副都統烏什哈達等先後援至常祿保勇氣倍增
率陝甘官兵內外夾攻賊敗竄

諭曰此次賊衆潛來劫營經官兵奮勇合擊痛加殲戮甚屬可嘉常祿保功績尤爲出衆着賞給西爾努恩巴圖魯名號賞銀一百兩並着以總兵陞用遇有缺出卽行補授尋授廣東高廉鎮總兵四十年七月分攻苗則大海各碉賊掘壕排松簽鹿角備禦甚嚴常祿保分兵出賊後併力合攻各碉卡同時克復偕總兵官達色乘勢合攻雅木則碉克之九月大兵由達烏達圍繞道分七路進攻達思里噶拉宇

山梁常祿保率兵各路接應攻獲碉卡甚衆十一月大兵分五路仰攻科布曲山梁賊死拒鎗石交下常祿保被傷猶力戰歿於陣事

聞

賜祭葬如例

命圖形

紫光閣儒臣擬贊曰雪夜賊來犯羅搏瓦悉力殲擊傷因兵寡苗則大海賊後繞攻捐軀科布敢戰名

恩廕其子瑚松阿為都司襲騎都尉世職

命國進

命國進

開

不詳

欽定八旗通志卷一百八十三

欽定八旗通志卷一百八十三

欽定八旗通志卷一百八十三

人物志六十三

大臣傳四十九
滿洲鑲藍旗六 鶴年 鄂實
鐘音 鄂弼 桂林 貴林

鶴年

鶴年滿洲鑲藍旗人姓伊爾根覺羅父春山康熙

五十一年進士改庶吉士累官

盛京兵部侍郎鶴年由乾隆元年進士改庶吉士散

館授檢討五年充

日講起居注官兼公中佐領十年遷國子監司業十三年遷翰林院侍講學士十五年正月擢內閣學士尋充

經筵講官十一月遷倉場侍郎十二月疏言現在米價稍昂請將京倉甲米通倉俸米於明春早放半月可期平減十六年二月又言各倉放米年分自乾隆十年至十三年不等漸虞陳積由厥座有多寡派貯不均之故請自本年始東豫二省所運豆

卽於厥多之儲濟萬安舊太海運四倉酌量派撥每季放米仍按旗均籌並如所請行十七年以米數虧短不能實力董查奉

旨革職留任十八年六月疏叅坐糧廳郎中綽克托剛復自用並不虛衷籌辦於支放錢糧及行查要件任意遲延又徇縱市恩濫保重役臣不敢以曾保京察一等復行回護下部議革綽克托職八月奏言通州南倉建自明天順年間後併入中倉我

朝因之設中南倉監督原係一倉雍正四年御史殷式訓條奏以南倉在新城中倉在舊城請增設滿漢監督因分爲二與西倉分貯漕白米遵循已久臣等酌現在情形核計每年所放俸米約四十萬石若收貯過多恐陳陳相因不無浥爛之虞中西二倉厥三百餘足敷收貯南倉似可不設現估三倉應修厥工料銀八千餘兩虛費閒置請俟南倉米放完卽將該倉裁汰歸併西中其原估修葺事

卽停得

旨俞允十九年三月授廣東巡撫奏平米價嚴保甲緝竊盜禁私鑄私雕各事宜

諭曰諸凡行之以實要之以久勉之閏四月疏言雷州府之海安營額兵九百餘歲需兵米三千四百餘石所支本色不及一城近年米價稍昂兵丁口食不敷查有高州府屬之化州石城縣官租每歲收穀三千石請碾米撥給海安

詔如所請十一月奏言海陽縣之蔡家園向多水患請將土堤改築灰墻其首險要工百餘丈臣現捐俸倡修次險工一併改築報

聞二十一年九月奏言廣州府屬之番禺花縣肇慶府屬之陽春縣徵收民米內有厨房米又名官眷米相傳起於明故藩米必細長潔白方准收納爲旗營武職俸米計萬二千餘石此項嘉穀產少價昂伏思通倉自王公大臣以下一律支放粵省豈可

另立名色累民現飭查禁革

上嘉之十月調山東巡撫奏言濟寧魚臺金鄉滕嶧五州縣積潦成災奉

旨加意賑恤二十二年正月

上南巡過山東鶴年迎

駕

御製詩賜之曰粵海旬宣久青齊治撫掄嘉伊品犖犖爲我牧元元坐鎮青油幕扈隨紫氣軒驅馳何足貴

善政勉徐源四月奏言武定府屬之海豐縣地處海濱其東北鄉黎敬等五莊尤低易澇積欠較多請將乾隆十一年至二十年舊欠

恩予豁免其地畝糧稅並照下則徵收

詔如所請五月奏言濟寧金鄉等五州縣未涸地畝尙千餘莊

諭曰朕此次南巡親莅河工相度險要指授在工諸臣分任責成凡以爲積歲被災羣黎籌疏洩之方捍禦

之術宵旰靡寧冀收實效業屢頒明旨矣近據鶴年奏報因思東省積潦再經伏雨秋霖將益苦汎溢而上江之宿虹靈璧等縣河南之永城夏邑等處皆有積水計漫淹地界不下數百里此其受病非一朝一夕驟致蔓延蓋其始皆由於地方官漫不經心偶遇水災不急爲籌度日復一日因循釀害積水日益增淹地日益廣以致高下田廬盡成巨浸及至受害旣深自非大動帑項厚資工力不能奏效而大小各官

欽定八旗通志 卷一百一十三
又莫能深悉受害之由確得祛患之術惟恐議疏議
築虧帑貽累遂爾噤口束手坐視其民爲魚而莫展
一籌現今水患已不可勝言若不及時徹底籌辦將
來何所底止着侍郎裘曰修馳驛前往山東河南上
江現在積水各州縣往來周視熟察情形與鶴年等
會商籌辦七月奏言漳河暴漲驟注衛河館陶冠縣
猝被水災無從宣洩致濟寧金鄉等處旣涸復淹
諭鶴年往勘疏消及賑恤各事宜又

諭曰江蘇巡撫陳宏謀安徽巡撫高晉山東巡撫鶴年
河南巡撫胡寶瑤等皆能任事之大臣所有三省積
年被水之由應如何相度形勢從長計議俾可永弭
水患之處各於所屬境內悉心查勘仍復彼此會籌
妥辦裘曰修等往來查閱隨事商酌是月遷兩廣總
督奏言東省水患頻仍臣奉

命勘辦一面通飭各屬講求疏濬修防之法一面與裘
曰修會議濬伊家河以洩微山湖之水其河自韓

欽定八旗通志 卷一百八十三
莊迤西舊有河形處起至江南之梁旺城入運計
命儲程七十里需銀十三四萬一切須臣經理又尙有
與河臣張師載勘濬運河並築堤工程皆刻不容
緩之事懇

恩留臣督辦

諭曰覽奏具見良心然朕實因無人故不得不用汝仍
遵前旨行十月

諭曰山東河道鶴年甚爲熟悉著仍回山東以總督辦

巡撫事綜理一切工程運河卽在境內可往來督辦
不必專駐濟南十一月奏言濬運河爲今第一要工
但查南陽以下湖河現尙相連必先濬伊家河洩
積水使久淹地畝漸次涸出然後履勘一律估修
庶工實費省臣前派州縣等官分段承挑伊家河
指日工竣運河事俟春暖鳩工不致有悞新運

詔如所請又偕張師載奏言運河河身淤墊日甚若照
常挑濬殊非經久之策請自濟寧以下之石佛闡

起北至臨清開止逐一探底以深八尺爲度俾河身一體平坦

上聽其言十二月奏伊家河工竣水勢消退狀

諭曰伊河自開壩放水以來水勢消退漸露堤形將來

陸續消涸隄工自可全露於運河民生甚有裨益在

工諸臣能悉心籌畫甚屬可嘉鶴年等著交部議敘

又奏濬運河四事一運河淤淺處必煞壩逐段測

量核實挑辦庶帑不虛糜一緯路逼窄者多居民

草土屋願售者每間以銀數兩買令拆移則堤身

自寬其瓦屋不願變價者仍聽民便量爲幫寬以

期鞏固一被水民田須設法疏消趕種春麥况沿

河原設有涵洞應於糧艘回空之後煞壩未開之

先兩次宣洩並酌增涵洞歸於水利案內議估一

煞壩橋梁應改修處所查有解江餘剩石料并應

拆石塊俱堪適用請儘數先修不敷再行採買未

便一例估報致費不貲

論曰如此實心經理誠不負任使矣是月卒

論曰鶴年歷任巡撫頗能黽勉今春南巡時見其辦事妥協深堪委任是以擢用兩廣總督仍命在東辦理河務近據奏報挑濬伊河悉心籌畫俱能深愜朕懷開壩放水後積水漸消涸地甚廣雖履任未久勞績懋著遽聞溘逝朕心深爲軫惻著加恩賞給太子太保兵部尚書銜入祀賢良祠仍賞銀三千兩料理喪事應得卹典該部察例具奏尋

賜祭葬如例諡文勤子桂林官至兩廣總督自有傳

鄂實

鄂實滿洲鑲藍旗人大學士鄂爾泰第二子嗣其叔父御史鄂禮後乾隆元年由廕生授三等待衛十三年

命往金川軍營授二等侍衛十六年遷頭等待衛十八年擢蒙古正紅旗副都統二十年調滿洲鑲藍旗副都統兼管健銳營鄂實兄鄂容安時以叅贊大

臣於伊犁陣亡鄂實請從征
 許之會準噶爾已故台吉達什達瓦之妻率屬來歸
 命鄂實齎茶幣迎賚之即赴西路軍營為領隊大臣達
 什達瓦妻尋請選所屬兵由珠勒都斯協勦叛賊
 阿睦爾撒納逆黨

諭鄂實同內大臣額爾錕音率之進勦二十一年正月
 授叅贊大臣閏九月

命還京授左翼前鋒統領仍兼副都統二十二年正月
 復赴西路軍營授叅贊大臣六月定邊將軍成袞
 扎布檄協擒叛賊扎那噶爾布尼瑪等以地險馬
 疲中道而返

諭曰若謂地險則賊眾何以能行若謂馬疲豈賊馬獨
 能壯健鄂實等自應尋踪追襲即不能盡行勦滅而
 收其牲隻捉生取路自可前進何至撤回著查明覆
 奏鄂實等尋派兵二百令侍衛濟塞布副總管莽蘇
 爾等勦賊

上以鄂實不親往

申諭詰責十一月降藍翎侍衛自備資斧在軍營効力是月扎哈沁賊哈勒拜等遁往瑪納斯河源鄂實追戮賊百四十餘獲牲械甚多定邊將軍兆惠以

聞

諭曰此次進剿正值隆冬大雪之時馬力自當疲乏尙能勦賊奏功使去年進兵若此何患無成彼時鄂實係叅贊大臣有事但諉之將軍不加策勵今自知負

罪直前勦賊朕深悉其隱著加恩授爲三等待衛二

十三年三月哈勒拜竄伏額卜推河其黨達爾扎

巴朗聚牧鄂實同侍衛老格等掩擊生擒哈勒拜

戮賊八十餘師次闡勒奇鄂實復同侍衛納蘭圖

勦賊巴爾達穆特等三十戶收其牲械

諭部議敘十月隨將軍兆惠剿逆回霍集占於葉爾羌

三戰殺賊甚多賊竄入城不出謀賊輜重屯城南

英峩奇盤山謀取道城東乘虛往襲偕總兵高天

喜原任副都統三格侍衛特通額等渡黑水未半
橋圯賊悉衆拒鄂實等力戰俱歿於陣事

聞

諭曰鄂實等奮勇殺賊盡瘁捐軀深可憫惻鄂實著照

伊原任前鋒統領從優議卹尋

賜祭葬諡果壯入祀昭忠祠

恩賞騎都尉又一雲騎尉世職子鄂瀾襲二十四年回

部平

命圖形

紫光閣

御製贊曰其兄徇節其弟忍使欲報兄讐固請不已黑
水之挫復以捐身超雪前罪賞延後昆

鐘音

鐘音滿洲鑲藍旗人姓覺羅禪乾隆元年進士改

庶吉士授檢討二年在批本處行走六年充

日講起居注官九年遷國子監司業十二年遷祭酒

兼世襲佐領十三年三月擢內閣學士充

殿試讀卷官閏七月遷

盛京刑部侍郎十五年以失察郎中錫琳等玩法婪
贓議降二級

詔從寬留在十六年遷戶部右侍郎十七年授陝西巡
撫十九年閏四月疏言漢中府廣積倉大使別無
職掌應裁穀改貯南鄭縣下部議行是月襲其高
祖阿爾岱所贈輕車都尉五月疏言陝省常平額

貯糧二百七十三萬餘石因西同等府屬賑濟缺
額節次買補尚缺穀二萬餘石今歲豐價減請照
時價買貯如議行尋調福建巡撫二十年疏言臺
灣流寓雜處請編保甲倘生事爲匪卽押遞原籍
有藉稱墾地越番界搭募藉名採捕實則接引偷
渡均拆贖驅還原籍嗣後內地領照過臺之人先
赴官驗照如係偷渡解內地懲治從之又言閩省
地方官開徵將錢糧一兩以上者聽花戶交錢致

州縣囤積日多發商易銀墨吏多收少發扣剋漁利價何由平臣飭屬凡錢糧至一錢者令花戶封銀投櫃責成該管官照例委員監收按期申報其一錢以下應收制錢三日內照數發商易銀毋使壅滯剋短並禁發典商營運至南臺閩安等處商船雖定有額帶數目而違例多帶者未定專條今議額外夾帶錢十千以上笞五十勒令易銀二十千以上杖一百將錢一半入官五十千以上荷校

一月錢全入官既可慎重海防民用亦裕得

旨妥協爲之勿因去弊而反滋弊也二十三年正月調

廣東巡撫尋仍調陝西二十四年二月疏言陝省

連年災歉倉貯空虛請將榆林等七州縣出口種

地貧民給牛具籽種銀秋收照時價交還膚施等

縣倉亦缺額照現有糧石出三借給爲數無幾多

借又於積貯有礙請按種地多寡借銀俾春耕有

賴秋後照時價交糧在民可免糶穀易銀在官不

須發銀買穀得

旨此因時制宜之法可行也二十五年疏言榆葭道僅轄榆林府五州縣應裁歸延榆綏道轄鄜州屬之洛川等三縣改歸糧道稽察下部議行二十七年正月西安將軍嵩椿調任來京奏陝西地方官接見將軍不照督撫例

勅鐘音將陝省因何沿習違式之處查明據實具奏尋奏請酌改儀注

諭曰鐘音覆奏摺糊塗不堪已於摺內批示茲因嵩椿面奏伊在西安曾有道旁呈遞手本並不跪接之員並非體制是以降旨飭查而鐘音並不實言其事之有無一味顛預但稱酌改儀注妄意調停了事所見已屬大謬復經明切傳諭雖甚愚懵亦當了然洞悉矣今乃輾轉執迷不悟所奏竟至出人意表如稱前此司道接待將軍俱相沿舊習非敢於將軍嵩椿之前傲慢失禮一似朕庇護嵩椿爲之爭論體統又有

蒙恩不加嚴譴仍令確查云云此則成何言語夫嵩
椿何人鐘音乃於朕前奏事竟有敢不敢之辭耶試
問方今卽有舉朝重臣及欽差大吏稍示威福令地
方官委曲承奉者朕寧肯稍假借之又何有於嵩椿
此皆萬無可置論之事而鐘音憤憤若此何以能勝
巡撫之寄可見封疆中處非其據苟冀無事善藏者
不少朕轉不能不爲深慮矣鐘音著傳旨嚴行申飭

尋

命來京補授兵部侍郎七月

諭往巴里坤軍營辦事二十九年四月疏言巴里坤東

至呼濟爾台西至鄂什希原設卡倫十八處今準

噶爾平巴里坤已成內地除通烏里雅蘇台歸化

城闢展烏魯木齊等處大路者尙須巡查餘兵皆

撤回從之十月

詔回京三十一年正月教習庶吉士八月授廣東巡撫

三十五年二月丁母憂

論來京署吏部侍郎四月充

武英殿總裁閏五月署福建巡撫十二月兼署閩浙
總督三十六年五月實授閩浙總督加太子少保
六月疏言臺灣流寓既難概爲查逐似宜隱寓招
徠向例由臺渡回內地廳縣給照汎口盤驗放行
役兵留難每致裹足請嗣後回籍者概免給照准
備於自赴鹿耳門開姓名總單由船戶持交口岸員弁
命來掛號放行報臣衙門備案自內地渡臺者遵例給

照盤驗稍爲變通則欲回者無所阻滯民自必漸
少如所議行三十七年疏言浙江大荆營賜谷舉
有南台北合溪心等村生齒日繁商販往來應設
汎查橫山汎原駐把總一外委一兵五十以防海
汎口今海口淤塞商船漁艇久不通請改汎爲塘留
兵五撥把總一帶兵二十五移駐賜谷舉北合設
塘駐外委一帶兵十南合設塘駐兵十大芙蓉汎
轄之西店嶺墩地非要隘原設兵八應撥五人移

駐溪心下部議行三十九年大其人燕燕正人迹
觀 欽定四庫全書 欽定四庫全書 欽定四庫全書

御製詩賜之曰海江保障寄儀型弗動色聲措輯寧述
職咨詢近前席歸轅荏苒別明廷兩疆所部連康歲
一路應知是福星勗爾莫渝終始志昭昭原不若惺
惺四十一年兼署福建巡撫四十三年二月授禮部
尚書充
經筵講官三通館四庫全書館副總裁兼正藍旗蒙

古都統九月扈

駕盛京卒於途

諭曰禮部尚書鐘音敷歷內外奉職恪勤且在滿洲科
目中尚為通達事體因擢授秩宗方加任使茲以扈
從途次忽覲沉疴特遣太醫診治並令先期回京調
攝以冀速痊遽聞溘逝深為憫惻著加恩晉贈太子
太保應得卹典著該部察例具奏尋

賜祭葬如例諡文恪子恩慶襲一等輕車都尉恩明現

顯宗官安徽按察使恩長現官湖南按察使

太尉鄂弼

鄂弼滿洲鑲藍旗人大學士鄂爾泰第三子乾隆五年授三等侍衛二十三年授漢軍正紅旗副都統尋署刑部侍郎二十四年六月授山西巡撫十一月奏辦賑四條一陽曲靜樂岢嵐嵐縣興縣積貯不敷散給已請撥南路收存豫米三萬石但歲暮民多運貨糧運壅滯請就近將忻州汾州府屬

米借撥明春運還一加賑口糧定例正二月開賑災重迫不及待現飭加賑兩月者歲內先給一月折色一月者先給半月折色餘俟明春按期補放一籽種按畝借給爲數頗多百姓領借後將粟穀易雜糧佈種給以折色爲便一加賑口糧照例題定本折色各半今奉

旨加增折價民間以領銀購雜糧充食爲幸請將加賑三月四月者各給一月本色餘俱給折色

金定八加通志 卷一百八十三
上嘉勉之二十五年四月疏言陽曲縣王封山場陽城
縣東冶山場礦洞遼濶前撫臣明德奏請移駐同
知每季輪派守備千把各一帶兵巡查路遠費多
巡查甫熟已屆更換請就近移汾州城守營千總
兵六十駐王封山隸太原營叅將轄潞澤城守營
千總兵四十駐東冶山隸澤州營都司轄仍令太
原營守備澤州營都司每季會同知巡查一次部
議從之五月疏言晉省連年偏災撥賑平糶各倉

穀尙未買補今平蒲絳解等屬麥熟請將臨汾等
州縣應買補穀一石收麥六斗米一石收麥一石
如無應補穀及出糶米並請於司庫現存溢額穀
價內酌州縣大小麥收盈縮採買備次年糶借奏
入報

聞六月疏言綠旗兵配執技藝分弓箭鳥鎗藤牌大礮
四項藤牌係短兵必大隊方可衝突其摧堅致遠
不及鳥鎗等項請將晉省南北兩路各營額兵三

百名以上仍設籐牌兵三百名以下毋庸設挑技
藝純熟者歸併大營餘俱改爲鳥鎗弓箭兵七月
疏言大同府豐鎮廳朔平府寧遠廳所轄地在邊
外通判駐劄處無城庫獄防範難周請將鎮羌堡
把總移豐鎮廳仍歸德勝營叅將轄殺虎協把總
移寧遠廳仍歸本協副將轄各撥兵四十以三十
名防守庫獄十名妥設塘汛均下部議行二十六
年二月

上巡幸五臺

諭曰從前兩次巡幸五臺帳殿周廬隨常頓宿今春恭

奉

皇太后前詣臺山巡撫鄂弼於菩薩頂側建蓋行宮並於

臺麓寺旁添設數楹以供安憩朕詢其工料費乃出

自養廉夫朕既不許派累百姓而各官養廉原爲辦

理公務及薪水之資今以之捐建行宮則甚不可著

於存公項內撥賞銀二萬兩以供鳩工飾材之用時

上以太原滿營城守尉歲支俸米百三十斛銀百五十

兩辦公拮据之資今以

諭鄂弼議給養廉鄂弼請照保定城守尉例於文職空

缺養廉內歲支給二百兩從之二十七年五月調

陝西巡撫兼署將軍尋疏言西安駐防出旗爲民

率之驍騎校前鋒領催馬步甲及礮手匠役千五百

餘口一名閑散丁壯二千四百五十一名婦女幼丁奴

士僕四千九十二名內出缺裁汰者止二百五十餘

名閑散壯丁仍居滿城依親朋餬口當差旗人更

多重累請選人材健壯者於督撫二標及城守營

步兵出缺與綠旗輪流間補俾有效用之路近省

潼關鳳翔等協並提鎮標營皆可移往間補

詔如所請行二十八年正月疏言西安派往烏魯木齊

等處換班官六十一員兵二千三百六十二名內

有乾隆二十三年派往中途減退回營者領過俸

賞車價銀應於此次扣除歸欵但事經五載銀已

欽定八旗通志 卷一百八十三
用去現在辦裝拮据請先將車價扣還俸賞扣十分之二餘作四年分扣奏入報

聞五月疏言臣上年奏請興修鳳翔漢中通川棧道今查閱營伍順道詳勘自寶雞大散關至寧羗州與川省交界之七盤關止各工俱屆完竣但將來難免日久損壞請撥經費餘息銀一萬兩交南鄭十之州縣營運生息貯府庫責成漢興道總理隨傾隨修彙奏核銷如應大加修治確估奏明動工從

之六月授四川總督未任卒

諭曰鄂爾白簡任巡撫以來實力宣猷恪勤懋著昨降旨補授四川總督正望其及時効用忽聞溘逝深為軫惜著加賞贈尚書銜入祀賢良祠應得卹典該部察例具奏尋

賜祭葬諡勤肅

桂林

桂林滿洲鑲藍旗人姓伊爾根覺羅父鶴年官兩

廣總督自有傳桂林由廩生捐主事乾隆二十五年授工部主事洊遷郎中三十三年遷山西河東道三十五年遷山西按察使三十六年三月擢戶部侍郎在軍機處行走九月

命往四川辦理軍務桂林至成都以山路崎嶇民夫背運軍糧動以千數彈壓撫綏祇建昌道白瀛一人難以分理增委幹練佐雜按程巡查丞倅督站員散給口糧工價知府總司其事十一月奏言清溪

縣南至打箭爐軍糧藥彈多堆積緣運價俱承辦各員墊給藉口遲延酌暫支打箭爐同知庫貯銀八千兩給站應用俟司庫銀到歸欵得

旨嘉獎旋授四川總督是月小金川頭人在卡外投文呈送禮物桂林檄列其酋僧格桑罪狀斥回

諭曰僧格桑跳梁肆惡抗拒官兵非搗穴擒渠不足以示懲創今看所投文稟詞意鴟張賫稟頭人自應卽時拘執嚴刑根究庶得賊巢確實情形攻勦亦易爲

力乃放縱回巢而所辦檄諭意類調停並不辭嚴義
正桂林著嚴行申飭十二月督兵復約咱斬賊百餘
級生擒六人

諭曰桂林等奏攻得約咱賊寨辦理大有起色可見事
在人爲桂林能實心奮往遂見實效前已授伊爲總
督似此方克受朕恩眷又奏攻克約咱東山梁大礮
一平礮四石卡二十餘

上嘉之復請添調黔陝兵五千

諭曰桂林等十一月二十日卽攻得約咱距此拜摺之
時已逾兩旬何以至今尙無信息看來桂林竟是靜
住約咱專待續調之兵方擬前進殊昧兵貴神速之
道桂林一路已有兵八千餘名雖云分防各處要隘
何至用至六千餘名之多前次阿爾泰等分派過多
以致存兵太少不敷進剿之用桂林到彼何亦不知
另爲調度仍令以有用之兵置之無用之處乎前次
桂林統兵奪取約咱並續得東山梁礮卡頗知奮勉

彼時賊人受創膽寒我兵若乘勝進攻賊必望風股
慄易若摧枯而官兵乘勝之後正當勵其銳氣及鋒
而用今乃逗遛不進坐致老師不知師老則志墮桂
林卽未曾經歷行陣而於事理所在亦可籌度而得
豈伊一經擢用不復黽勉自勵耶溫福攻得巴朗拉
帶兵直進已得制勝之勢且其地距美諾亦止一百
五六十里是該處爲進攻正路較南路爲尤要所帶
僅有黔兵三千亦不可無精銳接續現已飛諭書明

阿卽帶陝甘兵二千名由維州取道趕至溫福軍營
應用其餘三千名令赴約咱一路以供桂林之用桂
林須力圖奮往毋再遲延干究旋奏令總兵宋元俊
等設伏喇嘛寺深林桂林及阿爾泰等督兵逼卡
丁元俊擊斬賊九十餘級克木城石卡礪寨獲刀
矛烏鎗乘勝佔據寺東墨爾多山梁

諭曰一切布置合宜欣慰覽之於無意中用汝竟能得
力亦賴半載在軍機處日聽朕訓也三十七年正月

以攻克卡子越日復攻克郭松甲木噶爾金斃賊無
餘日算獲礮房石卡甚衆奏入
諭令益當奮勇前進二月攻克噶爾金之後山梁並東
山梁之山凹邦科地方一面攻東山梁一面襲阿
仰由墨壘溝進取達烏

上嘉之又奏言索諾木添兵助惡總以求賞革布什咱
爲辭今若差人宣諭則彼成絕望必預作準備或
竟收革布什咱民人盡換金川番悉力嚴防辦理

更難臣思與其會攻於事後莫若迅發於幾先兩
酋朋比爲奸正以我現勦小金川不能兼辦金川
是以從中滋擾此時索諾木自必注意西南兩路
所佔革布什咱地不能分駐多人若乘索諾木兵
力未備革布什咱人心未定之際相幾而動正可
撫勦並行詢之宋元俊亦稱革布什咱被金川侵
佔番衆勉強服從果迅發大兵俾金川猝不及防
自可先行收復隨遣守備陳定國赴巴旺布拉克

底與革布什咱交界處察金川番情動靜臣與元
俊分兵五路進約將軍溫福等合擊三月桂林令
革布什咱投誠頭人旺勒丹等潛約其戚嘉理爾
幫內應夾攻收復革布什咱寨落七十餘里招撫
番民甚衆並令元俊定國帶緯斯甲布士兵據甲
爾壘壩俾金川四面受敵

諭交部議敘是月奏報元俊率兵赴黔資溝攻吉地斷
其水道燒斃賊番百餘進勦丹東桂林復以東山

梁墨壟溝懸崖路窄積雪未消賊嚴守難越飭暫
緩鎗礮暗伏山脚巖洞中伺賊防稍懈卽乘機奪

隘

諭曰桂林奏克復革布什咱之吉地官寨及黔資溝地
方所辦俱好黔資溝旣已佔據阻其應援甲爾壘壩
又預約緯斯甲布派兵堵截自不慮索諾木之復來
爭奪但宋元俊所統兵練甚多莫若趁賊人防守未
定之時乘勝直擣其巢併將索諾木擒獲果能將金

川剪除其餘各土司自更畏威守法方爲一勞永逸
桂林當酌量情形隨機妥辦總以動出萬全爲要至
另摺所奏墨壟溝山嶺一帶擬將鎗礮暫緩施放飭
令各兵密於巖洞藏伏賊番防禦久疲見此心必疎
懈我兵即可乘機奪隘所辦甚合機宜亦屬出奇制
勝之策旋奏臣等察看扎哇窠山梁崖下有溝內立
礮卡若過此溝更可進攻阿仰隨令侍衛鎮將由
東山梁墨壟溝山嶺攻擊以張聲勢選弁兵潛赴

扎哇窠山梁絕崖設伏臣等督弁兵由東山梁墨
壟溝兩路奮攻扎哇窠伏起賊驚竄克溝內大礮
一石卡二十一別遣叅將常泰環攻黨哩革番內
變頭人安幫等迎獻所殺金川賊級都司李天貴
等圍沙冲革番從內佔據礮房金川賊進退無路
我兵痛殲之黨哩沙冲地盡復四月又奏總兵英
泰等攻克達烏官寨

上嘉其調度深合機宜

賞御用玉韞是月又奏攻克格烏巴桑及那隆山嶺元
後攻克丹東及覺拉喇嘛寺誅賊頭人三番衆百
三十餘革布什咱地盡復陳定國所調綽斯甲布
兵檄暫駐交界候調金川諭曰革布什咱之地全行收復辦理頗爲迅速惜所籌
未能妥合前遣陳定國往綽斯甲布調令發兵佔據
甲爾壘壩該會業已發兵令既盡得革布什咱之地
正當乘勝進勦金川攻其無備乃宋元俊飭令綽斯

甲布番兵暫駐界上聽候調遣失此極好機會甚爲
可惜又摺內奏稱該地當人心初定應於要隘處駐
守官兵以資防範等語桂林所見亦誤革布什咱之
地久爲金川侵佔今經官兵收復節次殲其防守番
衆甚多又殺其頭人三名索諾木豈有不知况聞索
諾木已將幫助小金川之賊兵撤回必係知官兵復
其侵地懼而自防尤當乘其未備之時出其不意先
發制人今宋元俊辦理既錯桂林卽應就近申飭不

當聽其坐守觀望桂林在軍營節次所辦事務悉能妥合惟此一節則不免失算昨又傳諭文綬備調兵三千名兵力不爲不厚溫福桂林當竭力相機妥辦旋奏攻達烏東岸山梁及甲爾木侍衛六十一叅領普寧叅將薛琮陣亡自以籌畫未周請交部治罪

詔免五月元俊與原任四川總督阿爾泰劾桂林冒昧發兵傷亡六百餘人又復於四月初六夜迫薛琮

同侍衛將備等領漢士兵三千餘從墨壟溝進約繞至前敵山梁接應夾攻初八日桂林始與副都統鐵保提督汪騰龍等行至前敵山梁桂林遽先回卡了軍營並將明亮鐵保汪騰龍等撤回薛琮糧盡請援始令都司廣著往賊已據險軍盡覆脫出僅二百餘人及巴旺布拉克底明正士兵數百桂林虛詞陳奏又在卡了修房居住勒取屬員供應與鐵保汪騰龍終日酣飲在營將備罕得見面

密令汪騰龍交總兵王萬邦銀五百贖取所遮官兵以圖掩飾得

旨革職拿問

命額駙尙書公福隆安往審尋審明所劾皆虛惟官兵傷損不卽查奏屬實至贖取官兵係戶部司員汪承需聞有巴旺布拉克底士兵送出迷失官兵信告知桂林取銀五百交汪騰龍備賞其王萬邦給宋元俊書扎捏寫收銀向金川贖人係爲宋元俊

所愚請分別治罪詳福隆安傳

諭曰前阿爾泰宋元俊會叅桂林乖張欺罔至有將銀向金川贖取迷失兵丁之事因將桂林革職拿問特派福隆安馳往軍營勘問旋據審明桂林並無造房居住驕縱不法各款至薛琮告急稟至桂林卽派宋元俊赴援其發銀贖取兵丁一節係司員汪承需及知州曹焜以巴旺布拉克底士兵尋覓綠營迷失之兵頗爲出力是以向糧員取銀備賞曾經稟知桂林

支發非欲賞金川之人並審出宋元俊搆陷申飾情節則桂林尙非法所難貸但其在軍營內日親麩蕪止圖已身安逸不能與士卒同甘苦而北山梁傷損官兵亦不得謂之無罪著加恩發往伊犁自備資斧効力贖罪交與舒赫德令在印房學習當差三十八

年七月

詔給三等侍衛銜往四川軍營辦理糧運十二月奏言南路糧運程遠須兼資土司烏拉此時達木巴宗

一帶存糧充裕將軍阿桂令分運接濟臣飭由美諾趕運章谷章谷存米毋庸運南路軍營緣南路進勦皆以章谷爲後路章谷存貯有餘則轉運軍營自易三十九年正月奏言明亮移駐附近章谷之格藏橋由巴旺布拉克底進兵一切供運若取資章谷恐緩不及濟查巴旺官寨距臨卡三站係適中之地已令臬司李世傑運貯米千二百石俟大兵進後再將巴旺存糧趕運臨卡奏入均報

聞四月奏言科多至僧格宗深箐僻遠請將僧格宗所
需糧石改由南路章谷運交附近僧格宗等處就
近支領

上是之六月奏言僧格宗一帶山險前橫大河我兵營
卡不能瀕河安設賊憑高滾石放鎗我仰攻不甚
得勢現今僧格宗至科多一路防兵移駐河南據
險要俾賊無從施其鬼蜮

上嘉之四十年四月授頭等侍衛九月授四川提督四

十三年授兩廣總督十四年二月廣西桂林柳
州二府旱桂林恐穀價昂奏撥預備廣東平糶穀
十萬石分貯水次各州縣酌量動撥奏入報

聞十二月卒

諭曰兩廣總督桂林才具優長辦事敏練簡任封疆正
資倚畀忽聞溘逝深爲軫惜著加太子太保銜任內
處分並著開復應得卹典該部察例具奏尋
賜祭葬如例諡莊敏

貴林

貴林滿洲鑲藍旗人姓張佳由護軍補烏鎗藍翎
長乾隆三十四年從征緬甸十月隨營總仁和在
新街擊賊得頭等功牌一後數日隨副都統海蘭
察殺賊於老官屯又得頭等功牌三十五年補烏
鎗護軍校三十七年擢爲委護軍叅領次年補副
叅領三十九年授山西河保營叅將四十三年軍
政卓異註冊四十六年授廣東羅定協副將五十

二年三月帶兵赴臺灣征勦賊匪時南路賊莊大
田破鳳山貴林先同將軍常青留府城守禦後數
月北路賊攻嘉義城中告急常青奏以貴林與總
兵蔡攀龍赴援有

旨賞戴花翎復

諭曰副將貴林等協力功勦奮勇可嘉應加恩陞擢所
有浙江温州鎮總兵員缺卽著貴林補授八月貴林
與蔡攀龍及遊擊楊起麟都司杭富帶兵千六百

及義民三千運糧赴嘉義抵縣城蔡攀龍護糧餉
及義民先入官兵半在城外忽賊衆突至遮殺貴
林等不得前轉戰至正音莊衆寡不敵貴林與起
麟杭富俱歿於陣九月總兵普吉保以

聞奉

上諭貴林等前經常青派赴諸羅援應奮勇打仗甚爲
出力是以降旨將貴林補授總兵楊起麟補授叅將
並俱賞戴花翎今貴林楊起麟同都司杭富因剿捕

賊匪臨陣捐軀殊屬可憫貴林著照總兵例議卹楊
起麟著照副將例議卹其都司杭富亦著照例議卹
以示憫卹十一月

上因勾到又

諭曰貴林楊起麟卹能成諸人皆因奮勇勦賊臨陣捐
軀卽勅部從優議卹一律得給世襲以示軫惻設郝
壯猷當賊擾鳳山時能奮不顧身授命疆場亦可與
貴林等同邀卹典是與其死於國法曷若歿於戎陣

刑賞昭然惟人自取尋兵部議給騎都尉世職三次
俟襲完時給恩騎尉世襲罔替卹銀七百兩全葬
銀四百兩致祭一次入祀昭忠祠貴林長子丹巴
多爾濟襲世職五十四年病故次子尙安承襲

欽定八旗通志卷一百八十三

